



BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
MINISTARSTVO ZA OBRAZOVANJE, NAUKU,
KULTURU I SPORT

BOSNIA AND HERZEGOVINA
FEDERATION OF BOSNIA AND HERZEGOVINA
BOSNIAN-PODRINJE CANTON GORAZDE
MINISTRY OF EDUCATION, SCIENCE,
CULTURE AND SPORT

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
БОСАНСКО-ПОДРИЊСКИ КАНТОН ГОРАЖДЕ
МИНИСТАРСТВО ЗА ОБРАЗОВАЊЕ, НАУКУ,
КУЛТУРУ И СПОРТ

Broj: 10-38-1855-2/11
Goražde, 07.06.2011. godine

Na osnovu člana 42. 48. i 56. Zakona o srednjoj školi ("Službene novine BPK Goražde", broj: 5/04), te na osnovu Odluke o upisu učenika u I razred srednjih škola za školsku 2011/12 broj :03-38-600/11 od 12. 05.2011. godine , Ministarstvo za obrazovanje, nauku, kulturu i sport o b j a v l j u j e:

K O N K U R S
za upis učenika u prvi razred srednjih škola sa područja
Bosansko-podrinjskog kantona Goražde za školsku 2011/12. godini

Konkurs za upis učenika u prvi razred srednjih škola u školskoj 2011/12. godini traje:

- za Mješovitu srednju školu "Enver Pozderović" i Srednju tehničku školu "Hasib Hadžović" Goražde od 07.06. do 20. 06. 2011. godine
- za Srednju stručnu školu "Džemal Bijedić" Goražde od 07.06.2011. godine do 30.06.2011. godine

Kandidati koji konkurišu u Mješovitu srednju školu "Enver Pozderović" i Srednju tehničku školu "Hasib Hadžović" Goražde **polazu** prijemni ispit.

Kandidati koji konkurišu u Srednju stručnu školu "Džemal Bijedić" **ne polazu** prijemni ispit.

PRIJEMNI ISPIT U MJEŠOVITOJ SREDNJOJ ŠKOLI "ENVER POZDEROVIĆ"
u prvom upisnom roku obaviti će se u sljedećim terminima:

- **Gimnazija**
21.06.2011. godine u 9⁰⁰ sati pismeni ispit za Bosanski jezik i književnost
22.06.2011. godine u 9⁰⁰ sati pismeni ispit iz matematike

- **Ekonomski tehničar**
21.06.2011. godine u 9⁰⁰ sati pismeni ispit za Bosanski jezik i književnost
22.06.2011. godine u 9⁰⁰ sati pismeni ispit iz matematike

- **Turistički tehničar –**
21.06.2011. godine u 11⁰⁰ sati pismeni ispit za strani jezik
22.06.2011. godine u 11⁰⁰ sati pismeni ispit iz geografije

- **Poljoprivredni tehničar – opći smjer i prehrambeni smjer**
21.06.2011. godine u 11⁰⁰ pismeni ispit iz biologije
22.06.2011. godine u 11⁰⁰ sati pismeni ispit iz hemije

**PRIJEMNI ISPIT U SREDNJOJ TEHNIČKOJ ŠKOLI "HASIB HADŽOVIĆ"
u prvom upisnom roku obaviti će se u sljedećim terminima:**

- **Mašinski tehničar za kompjutersko upravljanje mašinama (CNC tehničar)**
21. 06. 2011. godine u 9⁰⁰ sati pismeni ispit iz fizike
22. 06. 2011. godine u 9⁰⁰ sati pismeni iz matematike

- **Mašinski tehničar konstruktor na računaru**
21. 06. 2011. godine u 9⁰⁰ sati pismeni ispit iz fizike
22. 06. 2011. godine u 9⁰⁰ sati pismeni iz matematike

- **Hemijski tehničar – biotehnološki smjer**
21. 06. 2011. godine u 11⁰⁰ sati pismeni ispit iz biologije
22. 06. 2011. godine u 11⁰⁰ sati pismeni iz hemije

- **Tehničar PTT saobraćaja, smjer komunikacijske tehnologije**
21. 06. 2011. godine u 9⁰⁰ sati pismeni ispit iz fizike
22. 06. 2011. godine u 9⁰⁰ sati pismeni iz matematike

- **Elektrotehničar , smjer energetika, elektronika i automatika**
21. 06. 2011. godine u 9⁰⁰ sati pismeni ispit iz fizike
22. 06. 2011. godine u 9⁰⁰ sati pismeni iz matematike

- **Građevinski tehničar**
21. 06. 2011. godine u 9⁰⁰ sati pismeni ispit iz fizike
22. 06. 2011. godine u 9⁰⁰ sati pismeni iz matematike

KRITERIJI ZA PRIJEM UČENIKA U PRVI RAZRED SREDNJIH ŠKOLA BPK GORAŽDE

OPĆE ODREDBE

Član 1.

Pravo upisa u prvi razred srednjih škola imaju učenici sa završenom osnovnom školom, koji nisu stariji od 18 godina, odnosno koji do kraja tekuće kalendarske godine ne navršavaju više od 18 godina života.

Član 2.

U prvi razred srednjih škola učenici se upisuju u skladu sa Planom upisa učenika koji na prijedlog Ministarstva za obrazovanje, nauku, kulturu i sport donosi Vlada BPK Goražde.

Upis učenika provodi posebna komisija koju imenuje Školski odbor škole.

Rang listu svih kandidata i spisak primljenih učenika, škole su dužne objaviti na oglasnoj ploči nakon što je verifikuje Školski odbor škole i to za škole u kojima je predviđeno polaganje prijemnog ispita najkasnije tri dana od posljednjeg dana polaganja prijemnog ispita, a za ostale škole najkasnije tri dana od zatvaranja konkursa.

Član 3.

Prijem-upis učenika u prvi razred srednjih škola vrši se pod istim uslovima za sve učenike državljanke BiH, povratnike iz inostranstva, kao i za strane državljanke i lica bez državljanstva u skladu sa Zakonom o srednjim školama.

Član 4.

Izbor kandidata vrši se na osnovu ovih kriterija koji su obavezni sastavni dio konkursa za upis učenika u prvi razred srednjih škola.

Konkurs za upis učenika u prvi razred srednjih škola objavljuje se putem medija najmanje dva mjeseca prije početka školske godine.

U slučaju da u konkursnom roku iz predhodnog stava neke škole ne popune planirana mjesta, raspisuje se naknadni konkurs, najmanje 15 dana prije početka školske godine.

Član 5.

Kandidati koji konkurišu u gimnazije, tehničke i srodne škole polažu prijemni ispit.

Kandidati koji konkurišu u srednje stručne škole ne polažu prijemni ispit.

Detaljne informacije o mjestu i vremenu predaje dokumenata, mjestu i satnici polaganja prijemnog ispita obavljaju se na oglasnoj ploči svake škole.

Član 6.

Kandidatima koji u prvom ispitnom roku polože prijemni ispit u nekoj školi, a zbog planom ograničenog broja učenika ne budu primljeni u školu u koju su konkurisali, škola izdaje odgovarajuću potvrdu koja sadrži broj osvojenih bodova po predmetima na prijemnom ispitu.

Ovi kandidati imaju pravo konkurisati u školi koja nije primila dovoljan broj kandidata, a u kojoj se polagao isti prijemni ispit najkasnije pet dana od okončanja prijemnog ispita.

Škole iz stava 2. ovog člana dužne su da u roku od 3 dana pored liste primljenih kandidata iz člana 2. ovih kriterija, objave i listu naknadno primljenih učenika.

Član 7.

Pravo konkurisanja i polaganja prijemnog ispita u naknadnom upisnom roku imaju svi učenici koji konkurišu prvi put za upis u srednju školu, kao i učenici koji su konkurisali u prvom konkursnom roku, a nisu položili prijemni ispit.

Kandidatima koji su položili neke od predmeta koji se polažu na prijemnom ispitu, priznaju se položeni predmeti u skladu sa ovim kriterijima. Ovi kandidati uz prilaganje odgovarajuće potvrde iz škole u kojoj su polagali te predmete, u naknadnom konkursnom roku polažu samo predmete koje u prvom konkursnom roku nisu položili.

Pravo konkurisanja bez obaveze polaganja prijemnog ispita u naknadnom konkursnom roku imaju i učenici koji su položili prijemni ispit u prvom ispitnom roku uz prilaganje odgovarajuće potvrde.

Član 8.

Za prijavu na konkurs za upis u prvi razred srednje škole kandidat je dužan predati sljedeća dokumenta.

- zahtjev za upis,
- svjedodžbu o završenom VIII razredu osnovne škole (orginal),
- uvjerenje o uspjehu u V, VI i VII razredu osnovne škole,
- izvod iz matične knjige rođenih i
- druga dokumenta relevantna za utvrđivanje broja bodova po kriterijima.

POSEBNE ODREDBE

Član 9.

Prijem učenika u Gimnaziju, Tehničku i srodnu školu vrši se na osnovu:

- Općeg uspjeha kandidata postignutog u V, VI, VII i VIII razredu osnovne škole,
- Rezultata postignutog na prijemnom ispitu za odgovarajuću školu i
- Rezultata postignutih na kantonalnim, Federalnim, BiH i međunarodnim takmičenjima.

Član 10.

Za kandidate koji konkurišu u gimnazije, tehničke i srodne škole ukupan broj bodova se utvrđuje tako da se rezultat prijemnog ispita boduje sa maksimalno 30 bodova, a opći uspjeh u V, VI, VII i VIII razredu osnovne škole sa maksimalno 70 bodova (zbir prosječnih ocjena svedenih na jednu decimalu u V, VI, VII i VIII razredu osnovne škole se pomnoži sa brojem 3,5)

Član 11.

Od prijemnog ispita se oslobađaju učenici koji imaju odličan uspjeh iz svih predmeta od V do VIII razreda i primjerno vladanje. Broj bodova za učenika koji je oslobođen prijemnog ispita iznosi 30.

Član 12.

Prijemni ispit sadrži provjeru znanja iz određenih predmeta i boduje se po vrstama škola kako slijedi:

VRSTA ŠKOLE	Provjera znanja iz predmeta	Maksimalan broj bodova
GIMNAZIJA, EKONOMSKA ŠKOLA	Bosanski/hrvatski/srpski jezik	15
	Matematika	15
	UKUPNO	30
TURISTIČKA ŠKOLA	Strani jezik	15
	Geografija	15
	UKUPNO	30
POLJOPRIVREDNA ŠKOLA HEMIJSKA ŠKOLA - Biotehnoški smjer	Hemija	15
	Biologija	15
	UKUPNO	30
MAŠINSKA ŠKOLA, SAOBRAČAJNA ŠKOLA ELEKTROTEHNIČKA ŠKOLA GRAĐEVINSKA ŠKOLA	Matematika	15
	Fizika	15
	UKUPNO	30

Prijemni ispit je eliminatoran.

Smatra se da je učenik položio prijemni ispit ako iz dva predmeta osvoji najmanje 16 bodova s tim da iz svakog pojedinačnog predmeta postigne najmanje 8 bodova.

Član 13.

Prijem učenika u srednju stručnu školu vršit će se na osnovu:

- Općeg uspjeha kandidata postignutog u V, VI, VII i VIII razredu osnovne škole,
- Uspjeha iz predmeta značajnih za upis u određenu školu (struku) u VII i VIII razredu osnovne škole i
- Rezultata postignutih na kantonalnim, Federalnim, BiH i međunarodnim takmičenjima.

Član 14.

Za kandidate koji konkurišu u stručnu školu ukupan broj bodova se računa tako da se rezultati općeg uspjeha u V, VI, VII i VIII razredu osnovne škole boduju sa maksimalno 80 bodova (zbir prosječnih ocjena svedenih na jednu decimalu u V, VI, VII i VIII razredu osnovne škole se pomnoži sa brojem 4), a rezultati uspjeha iz predmeta značajnih za struku sa maksimalno 20 bodova (saberu se ocjene uspjeha iz dva predmeta značajna za struku postignute u VII i VIII razredu osnovne škole).

Član 15.

Predmeti značajni za zanimanja u okviru određene struke, koji se boduju pri upisu u stručne škole utvrđeni su kako slijedi:

STRUČNA ŠKOLA - STRUKA	NAZIV PREDMETA	
Ugostiteljsko prehrambena	Biologija	Hemija
Administrativna	Bosanski jezik	Strani jezik
Mašinska	Matematika	Fizika
Elektrotehnička	Matematika	Fizika
Hemijska	Hemija	Fizika

Član 16.

Za jedno od osvojenih mjesta na kantonalnom takmičenju učenika osnovnih škola dobija se slijedeći broj bodova:

- za osvojeno prvo mjesto 3 boda
- za osvojeno drugo mjesto 2 boda i
- za osvojeno treće mjesto 1 bod.

Za jedno od osvojenih mjesta na nivou Federacije BiH i BiH dobija se slijedeći broj bodova:

- za osvojeno prvo mjesto 4 boda
- za osvojeno drugo mjesto 3 boda i
- za osvojeno treće mjesto 2 bod.

Za jedno od osvojenih mjesta na međunarodnom takmičenju učenika osnovnih škola dobija se slijedeći broj bodova:

- za osvojeno prvo mjesto 5 boda
- za osvojeno drugo mjesto 4 boda i
- za osvojeno treće mjesto 3 bod.

Ukupan broj bodova koji učenik dobije na takmičenju iz ovog člana ne može preći 10 bodova, s tim da se boduju samo takmičenja koja su zvanično organizovana na nivou Kantona, Federacije BiH i BiH i to iz predmeta matematika, fizika, strani jezik, informatika, a za umjetničke škole i takmičenje iz te struke.

Član 17.

Kandidat koji je u osnovnoj školi Bosansko – podrinjskog kantona Goražde iz koje dolazi proglašen učenikom generacije ne podliježe Kriterijumima za prijem i upisuje se u željenu školu bez polaganja prijemnog ispita, odnosno bodovan je po ovim kriterijumima.

Za kandidate iz drugih kantona koji su proglašeni učenikom generacije po kriterijumima koji korespondiraju kriterijumima za izbor učenika generacije Bosansko – podrinjskog kantona Goražde, tj. po kriterijumima na temelju kojih se bira samo jedan učenik generacije škole, a koje je donijelo nadležno ministarstvo, primjenjuje se stav 1. ovog člana.

Član 18.

Za svakog kandidata koji se natječe za prijem u prvi razred srednje škole utvrđuje se broj bodova po temelju rezultata navedenih u članu 10. 11, 13, 15 i 16. ovih kriterijuma.

Za upis u gimnaziju učenik po svim osnovama mora imati minimalno 70 bodova.

Za upis u ostale škole u kojima se polaže prijemni ispit učenik po svim osnovama mora imati minimalno 60 bodova.

Član 19.

Ako je učenik završio osnovnu školu u inozemstvu i ako nema predmeta u VII i VIII razredu koji se boduju kao predmeti značajni za struku pri upisu u I razred, onda se umjesto ocjena iz tog predmeta uzima prosječna ocjena iz svih predmeta tog razreda (aritmetička sredina).

Pod jednakim uslovima iz ovih kriterija, prednost imaju:

- djeca boraca / branitelja BiH;
- djeca ratnih vojnih invalida;
- djeca šehida i poginulih i nestalih boraca / branitelja i umrlih ratnih vojnih invalida;
- djeca organizatora otpora;
- djeca veterana / prvoboraca
- djeca nositelja najviših ratnih priznanja.

M I N I S T R I C A

mr.sci.Alma Delizaimović